

Danke! Einfach nur Danke

Im April 2019 han ich an ere neue Stell als Busschofför chönne a vo. Die Stell het in sich gha dass ich sehr vil im usland bi. S Elfi het z wenig zyt und het mangels erfahrig nid e lei well Binle. Es isch no dr Peter gsi aber är isch au unsicher gsi. Was mache, isch d frog gsi. Mir händ is entschide d Völker mit uflag witer z geh. Gli hei mir zwe Persone gfunde wo eus die Völker ab nimmt. Scho gli nach em start a dr neue Stell isch d nachricht cho, dass me mir die Völker wägä vermertem schaffe im usland nid cha witer bewirtschafte. D suechi isch vo neuem los gange. Leider hei mir im Verein niemer gfunde. Mit rücksproch mit dr Wibliche Person händ mir den en lösing gfunde. Sie isch go luege und mache wens ihre zyt zu gloh het und ich bin go luege und mache wenn ich frei gha han. Jedes het im ander gschribe was äs gmacht het. So hei mir die zyt chönne überbrücke. Einisch isch no es telefon vo eim wo me gfrogt het cho und het frogt öb ich die Völker jetzt heig chönne verchaufe. S isch nie d red gsi dass d völker sölle verchauft wärde. Uf ändi Juli han ich stell wäge verluscht vo eim grosse reise abieter verlore. Ab denn han ich d Imkerei e lei witer gfüert. Afangs 2020 han ich sehr starch rüggeschmärze becho. Nach langem Dokdere het me es Emeri gmacht. O schreck en Bandschibe vorfall. D Völker hätte sölle i gängt wärde, nur han i d chraft nüme gha. S einzig wo i no ha chöne mache isch Futterteig uf d Völker geh dass si nid verhungere will ich jo nid gwusst ha wies drin us gseht. Im März bin ich de operiert worde. Leider han ich nach dr OP no weniger chönne mache. Was mache? Ich rüefe wider bi däm Päärli a und froge öb si zyt hätte mir d Völker cho i zänge. Die wiblich Person und ich händ drüber gred, do het s usem hinter grun dönt. Walti säg eus wen und was und mir makes. Am bestimmte tag sind die zweu cho und händ los gleit. Aber o schreck, es wird nüt mit i änge. Die völker si scho so gwachse das me het müesse mittelwänd und Drohnwabe ge. Au das händ die zweu ohni öbis gmacht. Am schluss hets gheisse Walti wen hilf bruchsch lüt nur wider a. Die hilf han ich wüerklich brucht. Die zweu händ sich immer mit em ne danke zfride ge. Das chas wohl nid si. Ich hät dene zwei scho lang chönne öbis überreiche, aber ich ha das a dr Versammlig welle mache, dass me gseht dass es doch no hälfer gid, die ohni wenn und aber chöme cho hälfe. I has scho gseh sie hei sich uf em stuel e chlei chliner gmacht. Ich wünschdi es würdi no me so imker i eusem verein ge wo eim wo hilf brucht unter d arme länge und nid nur säge si luege öb si öber finde. Ich will euch nüm witer uf d foltere spanne und euch die zweu heinzelmännli namentlich bekannt ge. Marianne Berger und Rene Farner rächt Härzliche Dank. Chömet füre mir hei es chlises Dankeschön für Euch.